



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm XXVII. Postulasti.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

& tradit Gl. recepta in c. 3. in fine causa 7. q. 1. & latè hic explicat Felin. n. 1. Afferrius in Capell. Tholof. q. 491. Sensus traditæ doctrinæ est, quod qui à Iudice se spoliatum, seu possessione priuatum ostendit, non illicet seu ante omnia restituitur, sicut si ab alio spoliatus esset: sed prius cognoscendum de causa priuationis, seu ablatae possessionis: Neque enim vis, seu violentia censetur, quam magistratus recte, ac licet intulit. l. 3. ff. Quod metus causa. Semper autem in dubio pro magistratu, seu iudice præsumptio est, quod recte processerit, donec contrarium ostendatur, arg. c. quid culpatur 4. causa 23. q. 1. & tradit Gl. cit.

3. Limitari debet doctrina: Si Iudex extra iudiciliter aliquem possessione priuer; aut non seruato iuris ordine, v. g. possessorum, cuius colorata possessio est, non citando, aut defensiones eius audiendo, & quotiescumque notorium est, Iudicem iniuste possessorum deieciisse: in his casibus Iudex censeri debet ut priuatus: & ideo ab eo spoliatus incontinenti restitui debet, sicuti docet Abb. in c. conquerente, de restit. spoliatorum, latè Felin. hic cit. n. 1. Capella, & ibi Afferrius in cit. q. 491.

4. NOTANDVM III. Præter alias, duas causas sunt, ob quas rescriptum iustitiae obreptitium fit per taciturnitatem veri: Prima, si impetrans mentionem non fecerit excommunicationis, quā affectus est: Nam rescriptum Pape ab excommunicato imperatum ipso iure irritum est, adeoque adest inhabilitas ex parte impetrantis, aut recipientis rescriptum, c. i. hoc tit. in 6. Altera, si quis tanquam à Iudice priuatus, seu possessione sua amorus, causam motionis non exprimat. Ita sumitur ex textu huius c. & fusc declarat. Glossa hie ver. excommunicationis, & seq. Gl. ver. viribus carere.

CAPITVLVM. XXVII.

Postulasti.

PARAPHRASIS.

Episcopus Veratissimensis quefluit ex Innoc. III. Si à Sede Apostolicalitera iuxta for-

mam cap. cum secundum Apostolum, acciperet: quibus iuberetur beneficium alicui prouidere, qui ex Vicariæ perpetuae prouentibus, & proprio patrimonio commode sustentari potest: an tales literas exequi deberet. Resp. Innocent. subreptitas censendas esse, quippe impetratas tacita veritate, quam si Papa cognouisset, probabiliter non ita scripsisset. nam huiusmodi literæ à Sede Apostolica emanant pro clericis pauperibus, nullumque beneficium habentibus: qui autem Vicariam perpetuam obtinet, ecclesiastico beneficio non caret. Accedit, quod neque literas gratias dare solet Papa, ut beneficium conferatur alicui, qui antea aliquod habet, nisi de eo mentionem faciat.

SUMMARIUM.

1. Litera beneficiales alia sunt Injustia, alia Gratia.
2. Rescriptum iustitia obreptitium est, si impetrans mentionem in eo non fecit patrimonij, ad quod ordinatus est; vel beneficij, quod obtinet.
3. Causa impulsua cessatio non vitiat rescriptum.
4. Intruso idem beneficium, in quo se intrusus, impetrante, tacita intrusione, rescriptum est obreptitium.
5. Affectus beneficium per laicam protestatem, incapax fit eiusdem canonice affectandi.
6. Si intrusus in uno beneficio, quod illicitè, non autem de manu laici acceptū possidet, aliud beneficium impetrat, tacita intrusione, solumque possessione beneficij expressa, valida videtur esse impetratio.
7. Absque titulo beneficij clericis in sacris ordinari non debet, nisi ex patrimonio, vel aliunde commodam; & proportione sui statut honestam habeat presentationem.

Pro intellectu huius c. sciendum est, literas beneficiales, id est, quibus à Papa beneficium alicui prouideri aut conferri manatur,

datur, alias esse iustitiae, & alias gratiae. Literæ iustitiae (alias pauperum appellantur, item in forma communis,) quæ iuxta formam c. cùm secundum 16. de præb. scribuntur pro clericis pauperibus, siue ijs, qui ab Episcopo sine beneficio aut patrimonio sufficiente, contra canones ordinati sunt. Quamobrem Pontifex pro his clericis, exigente iustitiæ scribere solet, ut ipsis prouisio, seu beneficij collatio fiat. Literæ autem gratiae, seu gratiæ appellantur, quæ pro alijs, non pauperibus seu indigentibus clericis, è Curia Romana emanant. Ita Ioan. Andr. & Abb. & alij hic, Rebuffus in præf. beneficiis differentijs inter rescripta gratiae & iustitiae, n. 31. & videri potest c. si pauper 31. de præbend. in 6.

N O T A N D V M R. Rescriptu[m] iustitiae, seu in forma communi clericorum pauperum obreptitium est, si in eo mentio non habet patrimonij, ad quod impetrans ordinatus est, vel ecclesiastici beneficij, quod obtinet: Quare Episcopus, alius siue cui prouisio mandatur, exequi non tenetur. Hoc est precipuum intentum huius c.

Aduertendum hoc loco, quod h[ab]it[ur] Felinus tradit n. 5. In impetracione rescripti gratiae faciendam non esse mentionem prius obtentæ pensionis clericalis, aut præstimo[n]ij, si beneficia non sint, sed tantum loco stipendijs, prout etiam ex communi docet Capella Tholos, q. 473. At verò in rescripto iustitiae, siue secundum formam pauperum, mentionem eorum fieri oportere: Alioquin obreptitium erit; saltem, ut per exceptionem peremptoriam infringi possit, si contra ordinatorem impetrarum fuerit; quandoquidem per eiusmodi prouentus causa paupertatis tollitur. Imò ipso iure irritate erunt tales literæ, si non contra ordinatorem tanquam contentiose diriguntur, sed simpliciter mandetur alicui, ut clerico, tanquam pauperi, prouideat: Tum enim quasi gratiosi iudicari debent, quibus id proprium est, ut ipso iure propter obreptionem irritæ censeri debeat, prout supra aliquoties dictum, & sumitur ex l. 1. ff. de natalibus respicit. Videri etiam potest Ioann. Andr. h[ab]it[ur]

& Abbas nunt. 3. Imola nunt. 7.

Ex hoc porro c. verbis ijs, Et habente beneficij sufficientis subsidium, non pauci Doctores, Imola h[ab]it[ur] n. 4. Felin. n. 1. Abb. n. 1. Rodriq. tom. 2. regul. qq. q. 59. a. 5. Azor tom. 2. m[od]i. Instit. lib. 6. cap. 3. q. 20. §. Alij verò, & alij apud Sanchez lib. 8. de matrim. disp. 21. n. 10. regulam tradunt, rescripta, saltem beneficialia, per taciturnitatem veri ad rem per se & intrinsecè pertinentis, obreptitia fieri, si id tacitum fuerit, quod si cognouisset Princeps, difficultius rem petitam concessisset: siue, ut alijs verbis dicam, non tantum si taciturnitas veri sit causa finalis concessionis, quia c[on]tra remotā, adeoque habitā cognitione veritatis, Princeps non concessisset: sed etiam, si sit causa duntaxatim pulsua, quia si rem tacitam sciuisset Princeps, concessisset quidem, sed difficultius, visitari rescriptum. At præstat, ut adhæreamus doctrinæ, quam tradidi suprà in c. super literis 20. hoc tit. & in Theol. mor. lib. 1. tr. 4. cap. 22. n. 19. Rescriptum obreptitium non esse, si Princeps rem petitam, cognitā veritate, eodem modo ac formā concessisset, licet difficultius; dummodo neque ius, nec Curia stylus veri expressionem requirat, prout videre licet apud Sanchez cit. disp. 21. concl. 1. & seqq.

Neque obstant verba huius c. finalia: Sensus enim eorum est, quod Pontifex non soleat scribere pro habente sufficiens beneficium, ut ei alterum conferatur, nisi de priori mentionem faciat. Fuit itaque taciturnitas vicaria perpetuae causa finalis concessionis, seu quia sublata, id est, si sciuisset Papa veritatem, nullatenus ita scriptisset. Præterquam quod & stylus Curia huiusmodi expressionem postulet, prout etiam colligitur ex c. cum adeo 17. hoc titulo c. si motu 23. eod. in 6:

Ex his, & quæ dicta sunt in c. c. super literis, resolutur **Q u e s t i o**, quam hic tractat Felin. in fine c. Vtrum rescriptu[m] gratia beneficialis datum pro Titio, qui se antea in beneficium intruserat, administrationem & fructus eius non canonice adepti capiendo, subreptitium & irritum censeri debeat? Resp.

4 ex doctrina Card. Zabarella, & Petr. de Ancharano apud Felin. citato logo, Auffrerij in quæst. 484. Capell. Tholos. & Dico I. Si quis idem beneficium, in quod se intrusit, tacita intrusione, impetravit, obreptitum est rescriptum, secundum omnes. Quia intrusio est canonicum impedimentum, inhabilitans personam ad subsequendum beneficium: Collatio autem irrita est, si fiat ei qui ipso iure inhabilis existit. Dixi de hac re in Th. moral. lib. 4. tract. 2. cap. 15. n. 3.

5 Dico II. Si quis per laicam potestatem ecclesiasticum beneficium asseditus sit, itidem incapax sit eiusdem canonice subsequendi, argum. c. quisquis 43. de elect. & docet ex communi Syl. ver. beneficium 3. num. 1. Consequenter, nisi in rescripto, seu concessione beneficiali exprimatur inhabilitas ista, adeoque tollatur, irrita erit impetratio. Ex quibus etiam apparet, quod in his duobus casibus Papa saltem non tali modo ac forma scriptisset, si intrusionis vitium sciuisse.

6 Dico III. Si intrusus in uno beneficio, quod illicitè, non autem de manu laici acceptum possidet, aliud beneficium impetrat, non factâ mentione intrusionis, sed tantum quod beneficium possideat, videtur esse valida impetratio, prout præter Zaburr. & Anch. etiam Felin. concludit hic in fine: Quia licet expressio intrusionis retraheret Papam à concessione alterius beneficij, tamēa expressio intrusionis non pertinet ad rescriptum: cum per id dicta intrusionis purgari non debeat, (ait Felin.) prout accidit in duabus prioribus casib⁹. Et his consentiunt quæ suprà dixi in cit. c. super literis, quod taciturnitas veri non vitiet gratiæ rescriptum, si rei impetratæ intrusionis non sit, tamēsi cognitæ cā veritate, Princeps gratiam non concessisset.

7 NOTANDVM II. circa ver. commode & ver. competenter, quod clericus in sacris absque titulo beneficij ordinari non debet, nisi ex patrimonio, vel alio modo commodam, & considerato statu honestam habeat sustentationem. Bene enim annotauit Gl. in c. vn. §. Sanè, ver. absq; penuria, de statu Regul. in 6. Abb. hic not. 2. & in c. 1. n. 4. de Institut.

Felin. hic n. 3. quod alia sit sustentatio necessaria, quæ mendicitatem excludit: alia autem sustentatio congrua, secundum qualitatem statū & personæ: Et inseruire id potest pro intellectu descriptorum, in quibus conditio apposita est, Si persona verè pauper est. Nam in materia largæ interpretationis, seu gratia Principis, verificabitur, si persona congruam, sive decentem sustentationem non habeat, considerato statu suo, liberis & familia, quam alere cogitur, &c.

CAPITVLVM XXVIII.

Nonnulli.

PARAPHRASIS.

Quidam literas à Sede Apostolica impen- trant ad iudices valde remotos; quam obrem reus ne laboribus aut sumptibus premeretur; vel cedere, vel vexationem redimere cogebatur. Ideo in Concilio Lateran. sub Innoc. III. decretum est, ne quis ultra duas dietas, id est, iter duorum die- rum extra diœcesin suam per literas Apostolicas trahi posset: exceptis duabus casibus: Primus, si vtraque pars consen- tiat. Secundus, si in literis Apostolicis constitutioni illi expressè derogetur. Vi- de quæ dicam in c. Statutum 1. hoc tit. in 6.

SUMMARIUM.

1. Reges ad iudicium è loco remoto cum magnis sumptibus & laboribus ci- cindus non est: nisi necessitas, aut causa grauitas postuleret.
2. Vt huic constitutionis non potuit quis ad iudicium citari ultra duas dietas extra suam diœcesin, nisi de consensu partium, vel cum expressa mentione in rescripto & derogatione constitutionis.
3. Novo iure sufficit & requiritur una dieta cum consensu expresso viriisque partis, quæ debet numerari à finibus diœcessis.

4. Fin.